

證誤

考縣城在商為虞國即虞芮質成於西伯是也按一統志魏侯城在平陸縣北五里即古魏國晉獻公滅之以封大夫畢萬曾孫絳戰國屬魏為吳城而前志以為虞國地晉滅耿魏亦見經傳虞都今縣北六十里之古城村亦為晉滅夫周制大國地方百里次七十小五十考之春秋虞非大國今城距虞都在六十里之外西周時似非虞國春秋之初兼併未興當為魏地且糾糾葛履為魏風其地當在河北一統志古魏城在縣北五里必有所據年代久遠其前志失考

平陸縣續志

卷之末

證誤

八十七

歟姑志之 又縣東北五里有焦水古志以為焦國地武王封神農之後於焦在陝州南二里為虢所滅今並存之以俟考云

又按一統志東漢置河北縣而前志誤以為隋置河北縣正德二年王經修葺公署而前志誤為嘉靖四年蒞任之王紳於田賦兵額均皆舛錯白浪渡距縣一百二十里而誤為一百八十里諸如此類不可枚舉今於各條下辯之

補遺

營建類

倉廩

北社倉在北門外迤東城壕北岸明弘治六年知縣喬  
恕建十一年知縣侯尚文徙吳字廩於此久廢嘉靖  
三十二年御史尚公維持命易地以廣學路拓邑人  
趙聯芳學前地二丈三尺以倉地一丈二尺易之明  
年守巡檄建社倉署縣事吉州州判徐文旆以一時  
拙用仍勸趙聯芳蓋廩五間外門一座估計四十八  
金具聞兩道給地六丈久廢後改建馬神廟亦圯遺

平陸縣續志

卷之末

補遺

八十八

址乾隆四十七年知縣李鍾淑改建義學

東社倉在縣東三十里八政南明嘉靖三十三年署知  
縣徐文旆建倉廩五間周垣有門令廢

職官類

文職

知縣

王經

明正德元年任修葺衙署多所建置見古碑

徐文旆

明嘉靖三十三年署任修建社倉見古志

選舉類

仕宦

國朝貧若虛康熙壬申副貢生官太平縣教諭

人物類

隱逸

漢王輔字公助學公羊傳援神契常隱居野廬以道自娛辟公府舉有道對策拜郎中陳災異甄吉凶有驗拜議郎以病遜安帝公車徵不至卒於家

見後漢書

治績

明令狐一峰號河濱東關人也敦厚篤學書既熟尤讀百遍數不止隆慶元年拔貢任深澤縣丞歷署縣事居官公正清直著有慎習復性圖說尋擢知縣壽九十七歲至老不杖人呼為令狐老實

忠孝

侯錫瑁字文刻歲貢生崇禎初仕平定州學正越二年遷大同教授才敏學優舉止端方流賊陷城盡節公堂子增生度貞度清隨瑁在任亦罵賊死令二百餘年人猶稱其忠孝

平陸縣續志後序

庚辰夏予輯夏縣志既成適平陸劉使君子儀以其邑新纂之續志走倅示予命予一勩叅校也披其稿則山陰漢卿沈子所編輯今使君昌黎劉子所核定之二子皆當代名儒其為志則文約而不漏事備而不繁其斯足以傳矣奚待予之叅校為顧以二子之虛以下問也未敢以固陋辭勉加考訂間以管見商去取精益求精期毫髮無遺憾事訖將報命二子吾知二子如

平陸縣續志

卷之末

序

九十

泰山河海之無不包容當不以土壤細流棄之也夫郡邑之有志所以信今而傳後殆未可苟焉矣乎自禹貢職方而後漢為地輿志唐為括地志宋為寰宇志元為一統志皆今世郡邑志之濫觴然率合天下而志之非專志一郡一邑若郡邑志之獨稱者古今未易數數睹剡錄齊乘行於宋元李吉甫所著元和郡邑志善矣後賢猶譏其闕漏有明郡縣志為大備王新成蠶尾集獨稱秦志甲天下如朝邑武功高陵

平涼富平北地鄠耀秦郿華諸州縣率以秦人志秦事猶有三輔決拾之遺紀文達四庫全書提要謂郡志以范大成吳郡志為準縣志則以康海武功志為得法而韓邦靖朝邑志猶推絕作蓋康書削繁濫之習書止七篇義例分明韓書僅二十餘紙上下數千年包括鉅細若有餘閒故文簡事覈無出二子右者予嘗熟讀其書洵哉其足為天下後世修志法也今平陸續志括以十類體例詳審足示來茲所謂約而不

漏備而不繁者非深得文簡事覈之遺意乎此二子之所以志乎予竊幸二子之樂取人善俾一得之愚亦獲附青雲以傳也例得贅以言亦惟取此簡且覈者知二子之為斯志有如此且令讀斯志者知斯志之所以傳不外乎此

光緒庚辰立秋後三日漢南張承熊謹識

採訪司事紳董

趙 碩 李仕榮 解 遴 毛繼先 富寅清

段煥章 王誕登 令狐敬 解惠連 石和鈞

周奉琮 高靈臺 郭言性 鄧玉徵 王恩炤

張步青 周尚赤 仝 儼 呂作霖 趙之璽

丁裕恆 趙佩珩 楊 欣 楊榮昌 令狐攸叙

張建勳 席尚德 段致方 李何穠 令狐理田

史玉堂 孫念祖 樊登瀛 吳寶仁 劉赤建

貧夢魁 郭言詩 趙夢梅 趙恆傑 李世泰

張蓉萼 尹作書 回乘雲 任孔哲 楊五常

李 埵 裴克昌 石秉鈞 吳仰澄 張百忍

胡煥章 毛豐潤 衛憲周 荆斯變 蔣文煥

貧承天 解雙璧 李昌新 朱凝祥 席高舉

史長清 史執簡 王清源 李擇彥 呂作賓

王生貴 郭青先 葛居岡 席月德 王青選

荆 蓮 梁鼎立 吳正壯 楊蔭甲 王德新

尹 安 張如芹 王治化 席盛元 貧至魁

李中正 史廣益 席文成 史全經 令狐增耀

車乘騎 馬長江 陳仲玉 楊振清 靖道生

楊啟明 趙鵬舉 楊作舟 史全緯 吳家訓

譚致祥 楊方行 宋元會 楊天性 王仲子  
曹存養